

Nassiussat navianartut nassuiaataannik immersuinissamut ilitersuut

Nassiussisoq: nassiussassanik RAL-imut tunniussisoq – imaluunniit suliffeqarfiup nassiussisussap taaguutaa, inuup ornigulluni nassiussiartortup atia allanneqartariaqanngilaq. Nassiussat navianartut pillugit paasissutissat eqqortumik paasissutissiissutigineqarnissaat nassiussisup akisussaaffigaa.

Royal Arctic Line Booking nr: tassaavoq Royal Arctic Line A/S-imit saaffiginninnermi inniminniinnermut normu nalunaarutigineqartoq, nassiussassanik tunniussinermi imaluunniit assartornissaanik inniminniinnermi – Eqqaamallugu nassiussat navianartut tunniunneqannginnerini tamatigut nalunaarutigeqqaartussaammata.

Qupperneg...quppernerit: Qupperneg ataasiinnaq pineqarpat allassavat 1af1 imaluunniit 1/1. Assersuutigalugu quppernerit pingasuuppata, taava allassavat 1 af 3 imaluunniit 1/3 ilaalu ilanngullugit.

Umiarsuakkut nassiussisumut innersuussut: Nassuiaammut ilinnut innersuussut tassunga allassavatit, tassaasinnaapput atinni naqinnerit siulliit imaluunniit allat innersuussutit allagaativit akornanni sukkasuumik nassaarinissaanut atorneqarsinnaasoq. Aamma Suliffeqarfigisannut innersuussutit normua atorneqarsinnaavoq.

Booking nr. Royal Arctic Line Booking normup immikkoortuaniittup assinga atorneqartarpoq.

Assartuinnermi allagaatit normua: Assartuinnermi allagaatini normu tulliuuttoq atorlugu immersussavat.

Nassiussalerisumut innersuussut: Nassiussalerisumik suliamut akuusoqarpat aatsaat immersorneqassaaq. Imm. 4 Tigusisussaq takuuk: Nassiussat kimut nassiunnerlugit tassunga allassavat.

Assartuisoq: Royal Arctic Line.

Umiarsuup atia angalanerlu: RAL-imut saaffiginninnermi tamatumingna paasitinneqassaait peqatigisaanillu aamma nassiussassat booking normuanik paasitinneqassaait.

Ajornartoornermi sianerfissaq nunanut allanut sianerniaraanni aallarniutit ilanngullugit: Nassiussat navianartut assartorneqarnerini ajornartorsiuteqalissagaluarpat inuup akisussaasuusup nassiussisullu navianartunik nassiussaanik ilisimannittuusup oqarasuaataata normua nalunaarutigineqassaaq, ass. +299 349 100. Nassiussat assartorneqarnerini ajornartorsiuteqalissagaluarpat inuk attaveqaataasoq taanna saaffigineqarsinnaassaaq. Qaartiterutit Kalaallit Nunaannut assartuinnermut tunngatillugu, nassiussat usingiarneqalerpata tigusisussaq aamma attavigineqassaaq, nassiussat umiarsualiveqarfimmit erngertumik assartoqqinneqarniassammata.

Sumiiffik tunniussiffiusoq: Nassiussat Nuummit nassiunneqarpata Nuuk allassavat, allatut oqaatigalugu, umiarsualivik Royal Arctic Line A/S-imut tunniussiffisat allassavat. Imaluunniit sumiiffik nassiussassanik tunniussiffiusoq.

Umiarsualivik usilersorfik: Kalaallit Nunaanni tassaassaaq sumiiffiup tunniussiffiusup assinga, tassalu umiarsualivik nassiussassanik tunniussiffiusoq.

Umiarsualivik usingiarfik: Illoqarfiup usingiarfiusup aqqa. Nassiussat sullitamut Københavnimiittumut nassiunneqassappata, taakku Aalborgimi usingiarneqassapput, Royal Arctic Lineup umiarsuaanik Europamukartunik usingiaaneq Aalborgimi pingaarnertut pisarmat.

Apuuffissaq: Illoqarfiup nassiussat apuuffissaata aqqa, tassalu illoqarfiup tiguisissap inissisimaffigisaarta aqqa.

Paasissutissat amerlanerusut: assartugassalerineq pillugu: Assartuinissamut atatillugu annertunerusumik iliuuseqartoqassapput. Soorlu assersuutigalugu aaliangersuinissamut imaluunniit seqernup qaamarnganut imermulluunniit illersuusersuilluni immikkut ittunik iliortoqassappat. Aammattaaq nakkutilliilluni kiassutsimik uuttortaaneq navianassusianullu kiassuseq allanneqarsinnaapput.

Collit amerlassusaat suussusaallu: Immikkoortut qassit pineqarnersut poortuutissallu qanoq ittut atorneqarnersut tassunga allanneqassaaq. Kolli tassaavoq poortukkat/pallestit assigisaallu qassiunersut. Assersuutigalugu papkartonit 20-t qaleriissaarneqarsimappata palletsimullu wrapperlugit, taava kolli ataasiinnaassaaq, kartonilli 20-t immikkoortukkuutaarpata kollit 20-ussapput. Art tassaavoq atortussiamut suna poortuutigineqarnersoq, palletsit, kartonit, nappartat puiaasalluunniit.

UN normu: Atortussiap navianartup IMDG kode naapertorlugu normulerneqarnera.

Teknikkikkut taaguut eqqortoq atortussiamut navianartumut. IMDG codemi atortussianut allattorsimaffik takuuk. Atortussiamut klasse ataanilu klasseqarpat aamma saniatigut navianaqutaasut allanneqassapput. Aamma atortussiaq imaani avatangiisinut ajoqusiisinaanersoq allanneqassaaq (Marine pollutant). Atortussiaq 61°-imi taannaluunniit ataallugu ikuallalersinnaappat, ikuallalersinnaaffiata appasinnerpaaffia allanneqassaaq. Aammattaaq LQ-t killilimmik annertussusillit pillugit malittarisassat malillugit poortorneqarsimanersut allanneqassaaq. Klasse, 4.1-imi, 5.2-mi aamma 7-imi atortussiarpassuit pillugit takussutissiornissamut aamma piunasaqaateqarpoq, ilaatigut poortuutunik imaqanngitsunik salinneqarsimanngitsunillu IMDG-lu naapertorlugu nassiussanik navianartunik imaqarsimasumik nassiussisoqassappat, poortuutissat imaqanngitsut salinneqarsimanngitsullu allanneqassaaq, kiisalu aamma imarisimasaata atortussiap taaguutaa allanneqassalluni.

Atortussiap poortornissaanut gruppi: I, II imaluunniit III, atortussiarlu igitassat nassiussaappat UN normu allanneqassaaq, oqaaserlu *igitassat* imaluunniit *waste* aamma allanneqassalluni.

Atortussiap ilanngaateqanngitsumik oqimaassusia. Tassalu nassiussassap ataatsimut oqimaassusia.

Piunasaqaataavoq atortussiaq qaartoorutigineqarsinnaappat (klasse 1) atortussiap qaartoorutigineqarsinnaasup ilanngaateqanngitsumik ilanngaateqanngitsumik oqimaassusia allanneqassasoq.

Container ID. Nr. Tassaavoq containerip ilisarnaatitut normua. Containerip normu sisamanik naqinneqarpoq, kisitsisit sisamat kisitsillu nalunaarsuut ataaseq. Soorlu assersuutigalugu RALU 201009-8

Nagissutip normua: Naqissutip normua, taamaattulerneqarsimappat.

Containerip angissusia suussusialu: Containeri 20 fodsiumersut imaluunniit 40 fodsiumersut. RF-iunersut (Reefer), RH-iunersut (Reefer High), DC-unersut (dry cargo), MC-unersut (mini container), FR-iunersut (flat rack), FC-unersut (FlatRack collapsible) FB-unersut (flat bed) imaluunniit OT-unersut (Open Top).

Tara: containerip oqimaassusia. (kiilunngorlugu allanneqassaaq).

Ilanngaateqanngitsumik oqimaassusia katillugu, Tara ilannqullugu: nassiussap oqimaassusia containerillu oqimaassusia katillugit. (kiilunngorlugu allanneqassaaq)

Containerimut/qamutitut poortuinermit allagartaq: containeri nassiussisumit poortorneqarlunilu matuneqarsimareersimappat aatsaat immersorneqassaaq. Containeri Royal Arctic Linemit poortorneqaranilu matuneqarsimanngippat containerip poortoqarneranut uppersaat immersorneqassaaq. Uppersaatip atsiornertigut poortuinermit, immikkoortitsinermit poortuutissanullu tunngatillugu malittarisassat

tamaasa malinneqarsimanerat nassiussisup uppernarsassavaa.

Nassiussisup nalunaarutaa: Matuma atsiornertigut, malittarisassat tamaasa malinneqarsimanerat nassiussisumit nalunaarutigineqarpoq.

Qupperneq 2: atortussiat assigiinngitsut arlallit nassiunneqarpata quppernermilu 1-imi tamakkerlugit allanneqarsinnaanngippata.

Maluginiaqassat:

- Immersugassaq pingasunngorlugu suliarineqassaaq.
- Paatsoortoqaqqunagu immersugassaq tuluttuunngorlugu anillatsitassatut suliarineqarpoq.